

Bosna i Hercegovina

Босна и Херцеговина



Sud Bosne i Hercegovine  
Суд Босна и Херцеговина

---

Predmet broj: S1 2 K 039825 21 K

Datum: 04.01.2022. godine

---

Pred sudskim vijećem u sastavu: sudija Izo Tankić, predsjednik vijeća  
sudija Stanko Blagić, član vijeća  
sudija Biljana Ćuković, član vijeća

**PREDMET TUŽILAŠTVA BOSNE I HERCEGOVINE**

**Protiv**

**Mirsena Ćano**

---

**PRESUDA**

---

**Tužilac Tužilaštva Bosne i Hercegovine: Ivana Petković**

**Branilac optuženog Mirsena Ćano: advokat Selma Kafedžić**

## U IME BOSNE I HERCEGOVINE !

Sud Bosne i Hercegovine, u vijeću sastavljenom od sudija Ize Tankića kao predsjednika vijeća i sudija Stanka Blagića i Biljane Ćuković kao članova vijeća, uz učešće pravnog savjetnika-asistenta Jelene Simić-Skoko u svojstvu zapisničara, u krivičnom predmetu protiv optuženog Mirsena Ćano, zbog krivičnog djela Organizovani kriminal iz člana 250. stav 2. Krivičnog zakona Bosne i Hercegovine (KZ BiH) u vezi sa krivičnim djelom Primanje dara i drugih oblika koristi iz člana 217. stav 2. KZ BiH, odlučujući o optužnici Tužilaštva BiH, broj: T20 0 KTO 0015664 18 od 13.11.2019. godine, koja je potvrđena dana 15.11.2019. godine, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, u prisustvu tužioca Tužilaštva BiH Ivane Petković, optuženog Mirsena Ćano i njegovog branioca, advokata Selme Kafedžić, dana 04.01.2022. godine donio je

## P R E S U D U

**Optuženi: Mirsen Ćano**, sin Envera i Mirsade, rođene Panjeta, rođen 17.07.1975. godine u Sarajevu, sa prebivalištem u ..., trenutno boravi u ..., u mjestu ..., ..., državljanin ..., JMB ..., po zanimanju radnik, sa završenom srednjom stručnom spremom, oženjen, otac dvoje malodobne djece, slabog imovnog stanja, neosuđivan

## K R I V J E

### Što je:

Tokom 2018. godini do 14.02.2019. godine, na području Velike Kladaše, Bosna i Hercegovina, H.A. u svojstvu šefa Carinske ispostave Velika Kladaša Uprave za indirektno oporezivanje Bosne i Hercegovine (UIO BiH), sa ciljem sticanja materijalne koristi, organizovao i rukovodio grupom za organizovani kriminal u smislu člana 1. stav 22. KZ BiH oformljenu radi počinjenja krivičnog djela primanje dara i drugih oblika koristi iz člana 217. KZ BiH, kojoj grupi su, u cilju sticanja materijalne koristi, pristupili službenici UIO BiH Carinska ispostava Velika Kladaša i to Ćano Mirsen, viši saradnik – carinik, T.A. viši saradnik - carinik i S.M. viši saradnik – carinik te njima poznati carinski službenici, kao i D.S., direktor i odgovorno lice špeditorske agencije „VEDS-ŠPED“ d.o.o. Velika Kladaša, te su carinski službenici koristeći svojstvo službenih lica s pravima i obavezama koje proizlaze iz ovlaštenja propisanih članom 29. stav 1 tačke e), g), i) k) i o) Zakona o upravi za indirektno oporezivanje BiH (Sl. glasnik BiH broj: 89/05), te obim i sadržaj poslova određenih članom 30. stav 14. alineje a/1) i a/3) Pravilnika o unutrašnjoj organizaciji u Upravi za indirektno oporezivanje (Sl. glasnik BiH broj 29/13, 11/16, 72/16, 47/17 i 55/17), prilikom vršenja carinskog nadzora i postupka nad robom u postupku uvoza polovnih automobila i drugih roba, koristeći mogućnost velikog raspona u određivanju vrijednosti robe odnosno carinske osnovice/vrijednosti propisane odredbama 25. do 33. Zakona o carinskim poslovima ZOCP (sl. glasnik 57/04) i odredbama 60. do 92. i člana 348. stav 3. Odluke o provedbenim propisima ZOCP (sl.glasnik 63a/04 i 60/06) sve u skladu sa Upustvom u utvrđivanju carinske vrijednosti (Sl glasnik 74/07), od uvoznika

zahtijevali davanje dara da bi sproveli carinski postupak koji su bili dužni da izvrše, na način da su unaprijed određivali vrijednost vozila ili drugih roba na koje će biti vršeno obračunavanje carinskih dadžbina i PDV-a, te su za prihvatanje navodno umanjene vrijednosti robe, od uvoznika zahtijevali davanje dara koji su nazivali »kafa« u novčanom iznosu od 70 do 100 KM za jedno polovno vozilo ili više, u zavisnosti od vrijednosti vozila i drugih roba, te se H.A. u nekoliko navrata a naročito na dane 05.11.2018. godine, 12.12.2018. godine i 15.01.2019. godine, sam ili sa drugim pripadnicima grupe za organizovani kriminal, sastajao sa ovlaštenim licima uvoznika i istima stavljao do znanja da se za svako uvezeno vozilo mora platiti dar „kafa“ određujući cijenu iste samostalno ili sa drugim pripadnicima grupe za organizovani kriminal, na osnovu čega su H.A., Čano Mirsen, T.A. i S.M. i njima poznati carinski službenici zahtijevali i primali dar da u okviru svoje funkcije izvrše što bi morali izvršiti odnosno da ne izvrše što ne bi smjeli izvršiti, dok je D.S. u svojstvu špeditera, posredovao pri ovakvom podmićivanju, te je tako:

Dana 03.11.2018. godine, nakon što je firma Ikan Kommerc d.o.o. Velika Kladaša uvezla u Bosnu i Hercegovinu jedan kamion sa rastavljenim polovnim vozilima odnosno sa 19 (devetnaest) polovnih dizelskih motora, carinski službenik Čano Mirsen, koji je tog dana bio raspoređen na poslovima pregleda robe, lično i posredstvom D.S., od vlasnika firme Ikan Kommerc doo Velika Kladaša, Makić Edina zahtijevao dar „kafu“ u novčanom iznosu od 1.900 KM (hiljaduidevetstotina konvertibilnih maraka) da bi carinski službenici izvršili carinski postupak koji su bili dužni da izvrše, te dana 05.11.2018. godine, u službenim prostorijama Carinske ispostave Velika Kladaša, nakon što je H.A., zahtijevao dar „kafu“ u novčanom iznosu od 500 KM (petstotina konvertibilnih maraka), Makić Edin u prisustvu D.S. predao H.A. novčani iznos od 500 KM (petstotina konvertibilnih maraka), na način da je iste ostavio na kancelarijskom stolu H.A., sve da bi carinski službenici izvršili carinski postupak koji su bili dužni da izvrše, te je roba ocarinjena dana 13.11.2018. godine

**Čime je** počinio krivično djelo Organizovani kriminal iz člana 250. stav 2. Krivičnog zakona Bosne i Hercegovine (KZ BiH) u vezi sa krivičnim djelom Primanje dara i drugih oblika koristi iz člana 217. stav 2. KZ BiH

Pa ga Sud, na osnovu istog zakonskog propisa i uz primjenu odredbi člana 39., 42., 38. i 50. stav 1. tačka b) KZ BiH

## **OSUĐUJE**

### **NA KAZNU ZATVORA U TRAJANJU OD 1 (JEDNE) GODINE**

Na osnovu člana 188. stav 1. ZKP BiH, optuženi se obavezuje da nadoknadi troškove krivičnog postupka u iznosu od 50,00 KM (pedesetkonvertibilnihmaraka) koji se odnose na troškove sudskog paušala, u roku od 30 (trideset) dana od dana pravosnažnosti presude.

## **O b r a z l o ž e n j e**

Optužnicom Tužilaštva Bosne i Hercegovine broj: T20 0 KTO 0015664 18 od 13.11.2019. godine, Mirsen Čano je optužen da je radnjama opisanim u činjeničnom dijelu optužnice pod tačkom I/2 počinio krivično djelo Organizovani kriminal iz člana 250. stav 2. KZ BiH u vezi sa krivičnim djelom Primanje dara i drugih oblika koristi iz člana 217. stav 2. KZ BiH. Istom optužnicom, optuženi su i Amir Harbaš, Adnan Topić, Mersud Sijamhodžić, Safet Durić i Edin Pjanić zbog krivičnih djela Organizovani kriminal iz člana 250. stav 2. i 3. KZ BiH u vezi sa krivičnim djelom Primanje dara i drugih oblika koristi iz člana 217. stav 1. i 2. KZ BiH, dok je Elvis Saračević optužen zbog krivičnog djela Davanje dara i drugih oblika koristi iz člana 218. stav 1. i 2. KZ BiH. Sudija za prethodno saslušanje potvrdio je navedenu optužnicu dana 15.11.2019 godine. Nakon što su se optuženi na ročištu za izjašnjenje o krivnji održanom dana 24.12.2019. godine izjasnili da nisu krivi za navedeno krivično djelo, predmet je dostavljen sudećem vijeću radi zakazivanja glavnog pretresa.

Budući da optuženi Mirsen Čano nije bio dostupan Sudu, Sud je krivični postupak u odnosu na njega razdvojio dana 22.02.2021. godine, te je isti nastavljen pod brojem: S1 2 K 039825 21 K. Glavni pretres u ovom predmetu je počeo dana 29.12.2021. godine, čitanjem optužnice i iznošenjem uvodnih riječi Tužilaštva.

Dana 04.01.2022. godine, Sudu je dostavljen sporazum o priznanju krivnje zaključen između tužioca Tužilaštva BiH, Ivane Petković i optuženog Mirsena Čano i njegovog branioca, advokata Selme Kafedžić. Navedenim sporazumom, optuženi Mirsen Čano u cjelosti priznaje krivnju za krivično djelo Organizovani kriminal iz člana 250. stav 2. KZ BiH u vezi sa krivičnim djelom Primanje dara i drugih oblika koristi iz člana 217. stav 2. KZ BiH. Sporazumom je predloženo da se optuženom za navedeno krivično djelo izrekne kazna zatvora u trajanju od 1 (jedne) godine.

Istog dana, Sud je održao i ročište na kojem je razmotrio navedeni sporazum o priznanju krivnje zaključen između tužioca Tužilaštva BiH Ivane Petković i optuženog Mirsena Čano i njegovog branioca advokata Selme Kafedžić. U skladu sa članom 231. stav 6. ZKP BiH, Sud je ispitao da li su ispunjeni svi uslovi propisani tačkama a) do e) navedene zakonske odredbe. Sud je utvrdio da je optuženi sporazum o priznanju krivnje zaključio dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za troškove krivičnog postupka. Sud je takođe utvrdio da postoji dovoljno dokaza o krivnji optuženog za predmetno krivično djelo, kao i da je optuženi razumio da se zaključenjem sporazuma odriče prava na redovno suđenje i da ne može izjaviti žalbu na krivičnopravnu sankciju koja će mu biti izrečena, nakon čega je donio rješenje kojim se prihvata sporazum o priznanju krivnje zaključen između tužioca Tužilaštva BiH i optuženog Mirsena Čano i njegovog branioca, advokata Selme Kafedžić.

**Tužilac** je u završnoj riječi istakla da je prilikom zaključivanja sporazuma o priznanju krivnje sa optuženim imala u vidu sve olakšavajuće okolnosti koje su se stekle na strani optuženog, posebno činjenicu da je priznao izvršenje krivičnog djela u ranoj fazi postupka, čime je doprinio ekonomičnosti krivičnog postupka, da nema dokaza da je optuženi izvršenjem krivičnog djela pribavio imovinsku korist, te da je neosuđivan, porodičan čovjek i otac dvoje malodobne djece.

**Branilac optuženog Mirsena Čano, advokat Selma Kafedžić**, pridružila se navodima tužioca u pogledu olakšavajućih okolnosti koje stoje na strani njenog

branjenika, posebno ističući da se radi o porodičnom čovjeku i ocu dvoje malodobne djece te da smatra da je predložena kazna adekvatna i da će se istom ostvariti svrha kažnjavanja.

**Optuženi Mirsen Čano** se saglasio sa navodima svog branioca.

Da je optuženi kriv za radnje koje čine obilježja krivičnog djela Organizovani kriminal iz člana 250. stav 2. KZ BiH u vezi sa krivičnim djelom Primanje dara i drugih oblika koristi iz člana 217. stav 2. KZ BiH, po ocjeni Suda, proizlazi ne samo iz njenog priznanja, nego i iz dokaza prezentovanih od strane tužioca na koje optuženi i njegov branilac nisu imali prigovora. Naime, Sud se uvjerio da je broj i snaga dokaza opredijelila optuženog za pregovaranje i zaključivanje sporazuma, zbog čega je iz iznijetih razloga sporazum i prihvatio. Cijeneći sve uložene dokaze Tužilaštva BiH, Sud je utvrdio da iz istih proizilazi da je optuženi počinio krivično djelo koje mu se stavlja na teret, a radi se o sljedećim dokazima:

1. Naredba Suda BiH broj S1 2 K 029407 18 Krn od 24.08.2018. godine
2. Naredba Suda BiH broj S1 2 K 029407 18 Krn3 od 25.09.2018. godine
3. Naredba Suda BiH broj S1 2 K 029407 18 Krn5 od 25.10.2018. godine
4. Naredba Suda BiH broj S1 2 K 029407 18 Krn 7 od 23.11.2018. godine
5. Naredba Suda BiH broj S1 2 K 029407 18 Krn10 od 21.12.2018. godine
6. Naredba Suda BiH broj S1 2 K 029407 18 Krn 9 od 20.12.2018. godine, sa prilogom koverta
7. Naredba Suda BiH broj S1 2 K 029407 18 Krn 11 od 28.01.2019. godine
8. Izvještaj o sprovođenju posebnih istražnih radnji broj I-16-14/1-SZ-162-/18 od 12.03.2019. godine sa prilogom 8 DVD (Brankica Milanović i Siniša Soldat telekomunikacije)
9. Izvještaj o preduzetim mjerama i radnji broj I-16-14/1-04-1-162-31/18 od 05.11.2018. godine (Milanović Brankica), sa prilogom službena zabilješka od 23.10.2018. godine (Neven Veseljak), Izvještaj o nadzoru od 23.10.2018. godine i CD (Saračević)
10. Izvještaj o postupanju po naredbi Suda BiH broj S1 2 K 029407 18 Krn 9 od 20.12.2018. godine, broj I-16-14/1-04-1-162-53/18 od 10.01.2019. godine (25.12.2018 godine – I simulirano davanje potkupnine, Brankica Milanović i Siniša Soldat), sa prilogima: Službena zabilješke broj I-16-14/1-SZ-162-1413/18 od 26.12.2018. godine (sa prilogom bijeli papir sa ispisanim tekstom) i Službena zabilješka broj I-16-14/1-SZ-162-1414/18 od 26.12.2018. godine (sa prilogom Zapisnik o evidentiranju novčanih sredstava, fotodokumentacija i Zapisnik o primopredaji novca)
11. Dopuna izvještaja o postupanju po naredbi Suda BiH broj S1 2 K 029407 18 Krn 9 od 20.12.2018. godine, broj I-16-14/1-04-1-162-58/18 od 21.01.2019. godine (25.12.2018 godine – nastavak I simulirano davanje potkupnine i 15.01.2019. godine, Brankica Milanović i Siniša Soldat), sa prilogima: dva DVD medija
12. Izvještaj o postupanju po naredbi Suda BiH broj S1 2 K 029407 18 Krn 11 od 28.01.2019. godine, broj I-16-14/1-04-1-162-63/18 od 06.02.2019. godine (29.01.2019 godine – II simulirano davanje potkupnine, Brankica Milanović i Siniša Soldat), sa prilogima: Jedan DVD, Službena zabilješke broj I-16-14/1-SZ-162-118/18 od 30.01.2019. godine, Zapisnik o primopredaji novca i Službena zabilješka broj I-16-14/1-SZ-162-144/18 od 05.02.2019. godine i Službena zabilješka broj I-16-14/1-SZ-

- 162-119/18 od 30.01.2019. godine (5 JCI od 12.10.2018. godine, fotografija CI Golf V od 23.01.2019 i screenshot razgovora sa fotografijom o predviđenim carinama)
13. Akt Uprave za indirektno oporezivanje BiH broj 03-04-2-817-17/19 od 16.04.2019. godine sa prilogom Akt Uprave za indirektno oporezivanje BiH RC Banja Luka broj 03/6-7/I-1732/19 od 05.04.2019. godine
  14. Jedinствена carinska isprava broj 18BA010106007966H0 (IMH 7966) od 12.10.2018. godine sa pratećom dokumentacijom (Mercedes B klase)
  15. Jedinствена carinska isprava broj 18BA010106007969H8 (IMH 7969) od 12.10.2018. godine sa pratećom dokumentacijom (Mercedes B klase)
  16. Jedinствена carinska isprava broj 18BA010106007972H9 (IMH 7972) od 12.10.2018. godine sa pratećom dokumentacijom (Mercedes B klase)
  17. Jedinствена carinska isprava broj 18BA010106007974H7 (IMH 7974) od 12.10.2018. godine sa pratećom dokumentacijom (Mercedes B klase)
  18. Jedinствена carinska isprava broj 18BA010106007975H6 (IMH 7975) od 12.10.2018. godine sa pratećom dokumentacijom (Mercedes B klase)
  19. Jedinствена carinska isprava broj 18BA010106008778H2 (IMH 8778) od 13.11.2018. godine sa pratećom dokumentacijom (devetnaest rabljenih dizelskih motora)
  20. Akt UIO BiH broj broj 03-04-2-817-56/19 od 05.06.2019. godine sa prilogom Jedinствена carinska isprava broj 18BA010106009226H9 (IMH 9226) od 29.11.2018. godine sa pratećom dokumentacijom (Passat,2009,)
  21. Jedinствена carinska isprava broj 18BA010106009717H0 (IMH 9717) od 17.12.2018. godine sa pratećom dokumentacijom (Mercedes Sprinter)
  22. Jedinствена carinska isprava broj 18BA010106009718H9 (IMH 9718) od 17.12.2018. godine sa pratećom dokumentacijom (Seat Alhambra)
  23. Jedinствена carinska isprava broj 19BA01010600294H1 (IMH 294) od 18.01.2019. godine sa pratećom dokumentacijom (VW Touran)
  24. Jedinствена carinska isprava broj 19BA01010600361H8 (IMH 361) od 23.01.2019. godine sa pratećom dokumentacijom (VW Golf V)
  25. Akt UIO BiH broj 03/6-7/I-2962/19 od 07.06.2019. godine sa priložima Jedinствена carinska isprava broj 19BA010106000174H5 od 15.01.2019. godine sa pratećom dokumentacijom (VW Touran, 2006), Jedinствена carinska isprava broj 18BA010106007068H3 od 14.09.2018. godine sa pratećom dokumentacijom (rabljena roba Saračević), Jedinствена carinska isprava broj 19BA010106000901H4 od 14.02.2019. godine sa pratećom dokumentacijom (roba Hasmir Ado),
  26. Zapisnik o otvaranju i pregledu privremeno oduzetih predmeta broj T20 0 KTO 0015664 18 od 29.03.2019. godine
  27. Naredba Suda BiH broj S1 2 K 029407 19 Krn12 od 26.02.2019. godine sa priložima Zapisnik o pretresanju broj I-16-14/1-04-1-162-25/18 od 07.03.2019. godine i Potvrda o privremenom oduzimanju predmeta broj I-16-14/1-04-1-162-33/18 od 07.03.2019. godine (Durić Safet)
  28. Naredba broj I-16-14/1-04-1-162-/18 od 07.03.2019. godine sa priložima Službena zabilješka Suda BiH broj S1 2 K 029407 19 Krn12 od 07.03.2019. godine, Zapisnik o pretresanju broj I-16-14/1-04-1-162-26/18 od 07.03.2019. godine i Potvrda o privremenom oduzimanju predmeta broj I-16-14/1-04-1-162-34/18 od 07.03.2019. godine i 12 bjanko listova A4 sa pečatom UIO BiH CI Velika Kladuša (Pjanić Edin)
  29. Izvještaj o postupanju Državna agencija za istrage i zaštitu broj I-16-14/1-04-1-2522-47/19 od 12.04.2019. godine (Milanović Brankica i Soldat Siniša, predmeti privremeno oduzeti pretresanjem)

30. Izvještaj o vještačenju Agencije za forenzička ispitivanja i vještačenja BiH broj 14-4-1-04-1-211-8/19 sa prilogom 4 DVD (Stupar Mladen) i naredbe za vještačenje
31. Izvještaj Državne agencije za istrage i zaštitu broj 16-14-04-1-2522\_(19 od 22.10.2019. godine sa priložima (analiza vještačenja teelefona Milanović Brankica i Soldat Siniša )
32. Akt Uprave za indirektno oporezivanje broj 05/3-04-2-817-13/19 od 10.04.2019. godine, sa priložima Rješenje o internom premještaju državnog službenika od 27.09.2018. godine (Harbaš Amir) Rješenje o internom premještaju državnog službenika od 26.12.2018. godine (Harbaš Amir) i Akt broj 03-04-2-817-55/19 od 05.06.2019. godine (Harbaš Amir), Ugovor o radu od 05.05.2010. godine (Sijamhodžić Mersud), i Ugovor o radu od 28.06.2011. godine (Topić Adnan)
33. Akt Uprave za indirektno oporezivanje broj 05/3-09-2-817-72/19 od 02.07.2019. godine, sa prilogom Ugovori o radu od 21.07.2015., 08.11.2017. i 16.02.2018. godine i Akt UIO BIH broj 03/6-7-1/I-1715/19 od 07.06.2019. godine sa priložima tabela evidencijaj rasporeda rada (Pjanić Edin)
34. Zapisnik o uviđaju broj I-16-14/1-04-1-162/18 od 13.12.2018. godine, sa fotodokumentacijom (uviđaj na telefonu Velić Eldina)
35. Potvrda o privremenom oduzimanju predmeta broj: I-16-14/1-04-1-162-27-1/18 od 13.12.2018. godine, sa priložima privremeno oduzetih predmeta (Napomena o procjeni CI/GP BA010106 - CI Velika Kladaša, Uprava za indirektno oporezivanje, ASYCUDA, broj deklaranta 2018 1039 od 29.11.2018. godine, L 13119; orginal,Fco akta na njemačkom jeziku, na kojem piše:"Kaufvertrag KFZ-HANDEL CANBULA",Fco Fiskalni račun od 30.10.2018. godine R00115/18 na iznos od 1000 evra;Fco Prijava za carinjenje BA 010106 CI Velika Kladaša 18BA010106009226H9 od 29.11.2018. godine, referentni broj 2018 1039;Fco Teil II-A 424 18401- Vlasnička knjižica na njemačkom jeziku,Fco Teil I- 424 18401-Saobraćajna knjižica na njemačkom jeziku,Fco Detenauszug- Austrijska homologacija na njemačkom jeziku,Fco Homologacija BiH redni broj: 507133;List papira na kojem je hemijskom olovkom napisano nazivi šest automobila, a za koji postoji osnov sumnje da je Safet Durić napisao vozila koje uvozi firma IKAN-COMERCE), Zapisnik o dobrovoljnoj predaji od 13.12.2018. godine, naredba suda bih od 20.12.2018 godine i zapisnik o otvaranju i pregledu od 16.01.2019. godine (predmete predao Velić Eldin)
36. Istorijski izvod iz sudskog registra, Opštinski sud Bihać broj 017-0-Reg-R-19-000151 od 29.03.2019. godine, sa prilogom Aktuleni izvod iz sudskog registra od 29.03.2019. godine (Veds-Šped doo Velika Kladaša)
37. Istorijski izvod iz sudskog registra, Opštinski sud Bihać broj 017-0-Reg-R-19-000152 od 29.03.2019. godine, sa prilogom Aktuleni izvod iz sudskog registra od 29.03.2019. godine (Ikan Kommerce doo Velika Kladaša)
38. Istorijski izvod iz sudskog registra, Opštinski sud Bihać broj 017-0-Reg-R-19-000401 od 08.08.2019. godine (Euroandi doo Velika Kladaša)
39. Istorijski izvod iz sudskog registra, Opštinski sud Bihać broj 017-0-Reg-R-19-000402 od 08.08.2019. godine (Hasmir Ado doo Cazin)
40. Akt Granične policije Bosne i Hercegovine broj 17-05-2-04-7-9680-9/19-289 od 28.05.2019. godine (Pjanić Edin, Pehlić Mirzet)
41. Akt Uprave za indirektno oporezivanje Bosne i Hercegovine broj 03-04-2-817-77/19 od 27.08.2019. godine sa prilogom dva CPD bloka na ime Pehlić Mirzet i Kauković Mirza
42. Akt Uprave za indirektno oporezivanje Bosne i Hercegovine broj 03/6-7/I-3684/19 od 20.08.2019. godine ( raspored smjene za uvoz Touran )

43. Akt Uprave za indirektno oporezivanje Bosne i Hercegovine broj 03/6-7/I-1714/19 od 07.06.2019. godine ( Saračević Elvis )
44. Akt Državne agencije za istrage i zaštitu broj 16-14/1-04-1-2522-203/19 od 11.10.2019. godine (zahtjev za naknadu troškova)
45. Akt Ministarstva unutrašnjih poslova USK broj 05-04/03-4-304/19/VI od 26.03.2019. godine (izvod iz kaznene evidencije Harbaš, Topić, Sijamhodžić, Durić i Pjanić)
46. Presuda Suda BiH S1 2 K 041440 21 K od dana 18.10.2021.godine
46. Zapisnik o saslušanju svjedoka Makić Edin broj 16-14/1-04-1-162-168/18 od 03.12.2018. godine
47. Zapisnik o saslušanju svjedoka Makić Edin broj 16-14/1-04-1-2522-93/19 od 19.03.2019. godine
48. Zapisnik o saslušanju svjedoka Velić Eldin broj 16-14/1-04-1-162-167/18 od 03.12.2018. godine
49. Zapisnik o saslušanju svjedoka Velić Eldin broj 16-14/1-04-1-162-172/18 od 13.12.2018. godine
50. Zapisnik o saslušanju svjedoka Velić Eldin broj 16-14/1-04-1-2522-141/19 od 06.05.2019. godine
51. Zapisnik o saslušanju svjedoka Durić Nedžada broj 16-14/1-04-1-2522-121/19 od 04.04.2019. godine
52. Zapisnik o saslušanju svjedoka Samardžić Hirkić Đula broj 16-14/1-04-1-2522-140/19 od 22.04.2019. godine
53. Zapisnik o saslušanju svjedoka Samardžić Hirkić Đula broj 16-14/1-04-1-2522-184/19 od 24.07.2019. godine
54. Zapisnik o saslušanju svjedoka Veljačić Enisa broj 16-14/1-04-1-58/18 od 07.03.2019. godine
55. Zapisnik o saslušanju svjedoka Alibegić Edin broj 16-14/1-04-1-2522-151/19 od 18.05.2019. godine(Touran,2006)
56. Zapisnik o saslušanju svjedoka Puškar Edis broj 16-14/1-04-1-2522-123/19 od 05.04.2019. godine
57. Zapisnik o saslušanju svjedoka Okić Hazima, broj 16-14/1-04-1-2522-146/19 od 07.05.2019. godine- **dokazi se nalaze na CD-u – DT1;**
- DT 2-** Jedinствена carinska isprava broj 18BA010106008778H2 (IMH 8778) od 13.11.2018. godine sa pratećom dokumentacijom (devetnaest rabljenih dizelskih motora)
- DT 3-** Ugovor o radu broj:01-34-2-57-110/10 od dana 26.02.2010.godine
- DT 4-** Zapisnik o prepoznavanju osoba broj 16-14/1-04-1/19 od dana 07.03.2019.godine
- DT 5-** Akt Ministarstva unutrašnjih poslova KS broj 02/5-2-04-8-2/2231 od 25.03.2019. godine (izvod iz kaznene evidencije).

Prilikom odlučivanja o kazni, Sud je shodno članu 48. KZ BiH imao u vidu zakonski okvir kažnjavanja za krivično djelo Organizovani kriminal iz člana 250. stav 2. Krivičnog zakona Bosne i Hercegovine (KZ BiH), ali i sve okolnosti koje mogu biti od uticaja da kazna bude veća ili manja. Kao olakšavajuće, Sud je cijenio činjenice da je optuženi priznanjem krivnje i zaključivanjem sporazuma doprinio bržem i efikasnijem okončanju predmetnog krivičnog postupka, te je time ispoštovano i načelo ekonomičnosti, ali ne na štetu pravilnosti i zakonitosti odluke, kao i činjenice da je optuženi mlad čovjek, porodičan i otac dvoje malodobne djece, te da do sada nije osuđivan. Kao osobito olakšavajuću okolnost Sud je cijenio priznanje krivnje za

počinjeno krivično djelo i iskreno kajanje optuženog. Otežavajućih okolnosti, Sud na strani optuženog nije našao. Prihvativši prijedlog iz sporazuma, Sud je optuženom izrekao kaznu zatvora u trajanju od 1 (jedne) godine, smatrajući da će se istom postići svrha kažnjavanja i to kako specijalna, tako i generalna prevencija te da izricanje kazne zatvora u dužem vremenskom trajanju, nije nužno radi krivičnopravne zaštite.

Na osnovu člana 188. stav 1. ZKP BiH, Sud je optuženog obavezao na plaćanje troškova krivičnog postupka u iznosu od 50,00 KM (pedesetkonvertibilnihmaraka) koji se odnose na troškove sudskog paušala, u roku od 30 (trideset) dana od dana pravosnažnosti presude. Drugih troškova u ovom postupku nije bilo.

**ZAPISNIČAR**

**Pravni savjetnik-asistent  
Jelena Simić-Skoko**

**PREDSJEDNIK VIJEĆA  
SUDIJA**

**Izo Tankić**

**POUKA O PRAVNOM LIJEKU:** Žalba na izrečenu krivičnopravnu sankciju nije dozvoljena, dok se presuda iz drugih razloga može pobijati žalbom u roku od 15 dana od dana prijema iste.